



Etnedal kommune

Plan og teknisk

Anne Marie Solbrekken
Brendavegen 166
2890 ETNEDAL

Administrativt vedtak

Deres ref.:	Vår ref.:	Arkivsak:	ArkivID:	Vår dato:
	SAGKAR - 26/4191	26/784	GBNR-34/73, K2-M55	20.08.2026

Saksnr.	Utvalg
141/26	Kommunestyret

Vedtak om utsleppsløyve - gnr 34 bnr 73 - Lenningsvegen 18

Tiltak:	Avløpsanlegg
Byggested:	Gbnr: 34/73 Lenningsvegen 18
Tiltakshaver:	Anne Marie Solbrekken
Ansvarlig søker:	Va - Prosjekt & Anlegg As

Vedtak

Etnedal kommune gjev løyve til rehabilitering av avløpsanlegget for bustaden på gnr. 34 bnr. 73. Anlegget skal bestå av ein slamavskiljar på minst 4 m³ og infiltrasjon i stadeigne massar på gnr. 34 bnr. 12.

Løyvet gjeld utslepp av sanitært avløpsvatn frå éin bustad, inntil 5 personekvivalentar (pe) og ei dimensjonerande vassmengd på inntil 1200 liter per døgn.

Utsleppsløyvet gjeld frå vedtaksdato og er gitt med heimel i forureiningsforskrifta § 12-5 og *Forskrift om utslipp av avløpsvann fra avløpsanlegg som ikke overstiger 50 pe, Etnedal kommune.*

Vilkår for løyvet

- Avløpsanlegget skal etablerast i samsvar med søknaden og gjeldande forskrift.
- Løyvet gjeld berre for utslepp frå éin bustad med ei belastning på inntil 5 pe og for løysinga som er vist i godkjent situasjonskart og prosjektering.
- Dersom belastninga seinare blir auka, eller anleggstype, plassering eller utsleppspunkt blir endra, fell dette løyvet bort. Det må då sendast inn ny søknad om utsleppsløyve, og det må prosjekterast og etablerast eit avløpsanlegg som tilfredsstiller krava i gjeldande forskrift.
- Anleggseigar er ansvarleg for eventuell forureining frå anlegget.
- Slamavskiljaren skal registrerast i Valdres Kommunale Renovasjon sitt tømmesystem og tømmast i samsvar med gjeldande tømmeordning.

Besøksadresse:
Kyrkjevegen 10

Postadresse:
2890 Etnedal

Telefon:
61 12 13 00

Organisasjonsnummer:
933 038 173

E-mail: postmottak@etnedal.kommune.no
www.etnedal.kommune.no

- Avløpsledningen fram til infiltrasjonsanlegget på gnr. 34 bnr. 12 skal vere tett, og avløpsvatnet skal før infiltrasjon førast gjennom ein slamavskiljar med våtvolum på minst 4 m³. Infiltrasjonsanlegget skal etablerast som ei 16 meter lang infiltrasjonsgrøft med filterflata om lag 0,5 meter under terreng. Plasseringa på gnr. 34 bnr. 12 skal vere i samsvar med signert erklæring om rett i fast eigedom datert 28.07.2026.
- Den registrerte grunnvassbrønnen i området skal ikkje forureinast eller få redusert vasskvalitet som følgje av anlegget. Det bør takast ei nullprøve før anlegget blir sett i drift og ei ny prøve i den første ordinære brukssesongen.
- Tilkomst for tømming skal tilfredsstillende krava til køyreveg, avstand og høgdeskilnad.
- Kommunen kan krevje tilkopling til offentleg vatn- og avløpsanlegg dersom dette blir etablert i området.
- Løyvet fell bort dersom arbeidet ikkje er sett i gang innan tre år eller blir stansa i meir enn to år.

Som ansvarleg søker er VA-Prosjekt & Anlegg AS, org.nr. 915 965 512, ansvarleg for samordning av dei ulike oppgåvene knytt til tiltaket og skal sjå til at alle oppgåver er belagt med ansvar.

Saksopplysninger

Lovgrunnlaget:

Vedtaket er gjort med heimel i forureiningsforskrifta § 12-5, lokal forskrift om utslepp frå mindre avløpsanlegg i Etnedal kommune og plan- og bygningslova.

Informasjon om saken:

VA-Prosjekt & Anlegg AS har på vegne av tiltakshavar Anne Marie Solbrekken søkt om utsleppsløyve i samband med rehabilitering av eksisterande avløpsanlegg på gnr. 34 bnr. 73. Eigedomen ligg i Lenningsvegen 18 og er nytta til bustad. Søknaden gjeld éi eining og inntil 5 pe.

Planlagt løysing er ein slamavskiljar på minst 4 m³ med etterfølgjande infiltrasjon i stadeigne massar. Anlegget er dimensjonert for 1200 liter per døgn. Infiltrasjonsanlegget er prosjektert som ei 16 meter lang grøft med filterflate om lag 0,5 meter under terreng.

Infiltrasjonsanlegget skal plasserast på gnr. 34 bnr. 12. Eigarane av gnr. 34 bnr. 12 og eigaren av gnr. 34 bnr. 73 har signert erklæring om rett til plassering, tilkomst, drift, vedlikehald og framtidig rehabilitering av anlegget.

VA-Prosjekt & Anlegg AS, org.nr. 915 965 512, har erklært ansvar for SØK og PRO. Bergene Anlegg AS, org.nr. 919 255 684, har erklært ansvar for utføring av graving for avløpsanlegget i tiltaksklasse 1.

Innlandet fylkeskommune stadfesta 05.08.2026 at nabovarselet var motteke og tok varselet til orientering. Fylkeskommunen presiserte at tiltak som rører fylkesveg eller veggrunn kan krevje eigne løyve, og at overvatn ikkje kan leiast til fylkesvegen sitt dreneringssystem utan avtale.

Grunngjeving

Det er søkt om utsleppsløyve for rehabilitering av avløpsanlegget til ein eksisterande bustad. Løyvet er vurdert med heimel i forureiningsforskrifta kapittel 12, lokal forskrift om mindre avløpsanlegg, naturmangfaldlova §§ 8-12, vassforskrifta § 12, kulturminnelova § 3 og plan- og bygningslova kapittel 27 og 30.

Arealbruk og lokalisering

Eigedomen ligg i LNFR-område med eksisterande bustad. Tiltaket omfattar rehabilitering av eit eksisterande avløpsanlegg og medfører ikkje endra arealbruk utover dei tekniske installasjonane som er nødvendige for avløpsløyvinga. Infiltrasjonsanlegget skal plasserast på gnr. 34 bnr. 12.

DOK-analysen frå 20.08.2026 viser at tiltaksområdet ligg i eit kartlagt viktig friluftslivsområde. Kommunen vurderer at eit nedgrave avløpsanlegg knytt til eksisterande bustad ikkje vil medføre vesentleg negativ påverknad på friluftinteressene når terrenget blir sett i stand etter anleggsarbeidet.

DOK-analysen viser dyrkbar jord i området. FKB-AR5 viser i tillegg skog med låg og middels bonitet, bebyggd areal og samferdselsareal. Tiltaket er avgrensa til slamavskiljar, ledningstrase og infiltrasjonsgrøft. Kommunen vurderer derfor at tiltaket ikkje vil medføre vesentleg nedbygging eller driftsmessig ulempe for landbruksareala, føresett at terrenginngrepet blir avgrensa til det som er nødvendig.

Vegtilkomst og tilgjenge for tømning

Etter visuell vurdering av kartgrunnlaget er det etablert køyreveg fram til eigedomen. Innlandet fylkeskommune har teke nabovarselet til orientering, men har presisert at eigne løyve kan vere nødvendige dersom tiltaket rører fylkesvegen eller veggrunnen.

For å oppfylle krava i forskrift om tømning og tilsyn av mindre avløpsanlegg i Valdres skal det vere køyrbar veg fram til anlegget, avstanden frå oppstillingsplass for tankbil skal ikkje overstige 15 meter og høgdeforskjellen skal ikkje overstige 5 meter. Tiltakshavar har ansvar for at desse krava er oppfylte ved ferdigmelding.

Naturmangfald (nml. §§ 8-12)

Kommunen vurderer kunnskapsgrunnlaget etter naturmangfaldlova § 8 som tilstrekkeleg. Gjennom DOK-analysen og innsend dokumentasjon ligg det føre eit oppdatert og tilstrekkeleg grunnlag for vurderinga.

DOK-analysen viser ikkje konflikt med registrerte naturtypar, utvalde naturtypar, artar av nasjonal forvaltningsinteresse eller naturvernområde. Føre-var-prinsippet i naturmangfaldlova § 9 tilseier derfor ikkje at tiltaket skal avslåast. Det er heller ikkje dokumentert forhold som tilseier at tiltaket vil medføre uakseptabel samla belastning på økosystemet, jf. naturmangfaldlova § 10. Krava i §§ 11 og 12 er ivaretekne ved at tiltakshavaren er ansvarleg for kostnadene og skal nytte ei driftsmessig og miljømessig forsvarleg løysing.

Vassmiljø og kulturminne

NGU sitt lausmassekart viser usamanhengande eller tynt morenedekke over berggrunnen og klassifiserer området som lite eigna for infiltrasjon. Samtidig ligg det føre stadleg infiltrasjonstest frå 27.07.2026 med målt infiltrasjon på 5-7 cm per minutt. Kommunen legg størst vekt på den stadlege undersøkinga, då denne gir eit meir presist grunnlag for vurderinga av den konkrete anleggsplasseringa enn regionale lausmassedata. DOK-analysen viser at marin leire stort sett ikkje finst i området.

DOK-analysen viser ein registrert grunnvassbrønn i fjell i analyseområdet. Søknaden opplyser samstundes at det ikkje ligg brønnar i sjølve utsleppsområdet. Kommunen legg til grunn at anlegget blir plassert og utført slik at brønnen ikkje blir forureina eller får redusert vasskvalitet. Dette er teke inn som vilkår i løyvet.

Området inngår i verneplan for vassdrag. Det er ikkje registrert vassførekomst innanfor sjølve tiltaksområdet; næraste registrerte vassførekomst ligg om lag 0,4 km unna. FKB-Vann viser opne veggrøfter, og DOK-analysen viser dreneringslinjer i området. Det er derfor sett vilkår om at avløpsvatn og overvatn ikkje skal leiast til fylkesvegen sitt dreneringssystem, grøft eller kum.

DOK-analysen viser ikkje automatisk freda kulturminne innanfor sjølve tiltaksområdet. Dersom det under arbeidet kjem fram automatisk freda kulturminne, skal arbeidet stansast og kulturminnestyresmakta varslast, jf. kulturminnelova § 8 andre ledd.

Etter ei samla vurdering meiner kommunen at det omsøkte avløpsanlegget vil gi tilfredsstillande rensing og ikkje medføre uakseptabel risiko for drikkevatt eller forringing av vassmiljøet. Føresetnaden er at anlegget blir etablert og drive i samsvar med godkjend søknad, prosjektering og vilkåra i løyvet. Tiltaket er elles vurdert å ikkje vere i strid med friluftsliv eller andre allmenne interesser.

Gebyr

Søknaden gjeld eigedom i LNFR-område. Gebyr for handsaming av søknad om utsleppsløyve er derfor kr 6 500,- i samsvar med Etnedal kommune sitt gjeldande gebyrregulativ.

Høve til å klage

Vedtaket er fatta i medhald av delegasjonsreglementet og kan i medhald av forvaltningslova §§ 28-36 klagast på. Klagefristen er tre veker frå den dagen vedtaket er gjort kjent for dykk. Klaga skal sendast skriftleg til Etnedal kommune. Dersom kommunen ikkje tek klaga til følge, blir saka sendt til klageinstansen for endeleg avgjerd. Du har rett til å gjere deg kjend med dokumenta i saka etter forvaltningslova §§ 18 og 19.

Med helsing

Kari-Elin Solberg Saglien
Rådgiver

Etter våre rutiner er dette dokumentet godkjent og sendt uten underskrift.